



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五七二

甘泉鄉人稿二十四卷附餘稿二卷年譜一卷 錢泰吉撰

一

且飲樓詩集四卷續集一卷附補編 顧晞元撰

三七七

惜味齋存稟十四卷 楊炳撰

四一三

常惺惺齋文集十卷常惺惺齋詩集十一卷 李炳奎撰

五六七

述園詩存一卷 恩齡撰

六九九

甘泉鄉人

稿二十四卷

餘稿
年譜

先府君詩文稿二十四卷咸豐甲寅刊於海昌廬舍庚申兵燹後板燬無存陳澧蔡刻史錫麒為先府君門下士同治十年冬自直隸分俸寄助刻資曾文正師補撰墓表亦於是年冬甫成遂以全稿重付手民惟曝書雜記三卷杜小舫方伯文瀾先於同治七年刻於蘇州茲即附列於後而卷目則仍其舊云十一年冬十二月應溥謹記

同治壬申叔父重刻甘泉公集以杜小舫方伯所刻曝書雜記二卷附入卷目與原本行款不類未臻完備光緒乙酉請於叔父仍依原稿重刻三卷而以杜刻為單行本並將甘泉公自訂詩文餘稿弟作二卷敬校付梓九月上旬孫男志澄謹識於青溪官舍

甘泉鄉人稿咸豐甲寅初刻於海昌同治壬申重刻於白下承剞劂事者為林陵陸工振聲今又陸工終始其事前後三十餘年中經兵燹三次開雕易其地不易其人殆與陸工結一重翰墨緣爾志澄附記

錢警石先生小像



耽悟易殆侈博易支先生有憂迷
信不遑漢唐宋來學行文書揭其
精華饁為饗鋪卅年校官講席以
繼身在海隅氣鑄一世兵戈漂泊
歸此靈光道山往矣緬邈長望

同治三年歲次甲子秋七月
獨山年後學冀友芝述贊

海甯州訓導錢君墓表

君諱泰吉字輔宜號警石先世本何氏明洪武中有依
海鹽錢翁鞠育者遂承錢姓厥後徙居嘉興代有聞人
至文端公而益大文端公諱陳羣以侍郎

予告特加刑部尚書

晉贈太傅君曾祖也祖汝愨早卒本生祖汝恭安慶府
同知父復大興縣知縣君少而苦學潛心孤往從兄曰
儀吉者字衍石博通羣籍早有高名君事之師友之間
兄弟常以純儒相勉蓋自弱冠後遠近已盛稱嘉興錢
氏二石云衍石以翰林改官戶部擢御史給事中久處

墓表

京師其後客游廣東汴梁君則以廩貢爲海甯州訓導
者近三十年與給諫君離多合少而書問叢沓咨詢學
術動逾數千言自周秦諸子馬班羣史許鄭詁訓杜馬
典章洛閩之淵源唐宋名賢之詩古文辭以及目錄校
讐金石書畫方志雜說一孔半枝無所不詢蓋亦無所
不辨或獻一疑而詰難十返或尙論前哲評騭時流雜
以嘲詠鄙諺窮極理趣故二石家書蔚然天下之至文
也給諫晚而搜刻經說刊正訛謬君自中年卽好校古
書假人善本及先輩評點之冊寫而註之眉端如史記
前後漢書晉書集韻元文類禮記集說等編皆勘校數

周一字之外旁求眾證嘗著曝書雜記以發其凡嘉慶中海內猶尙考據之說尊漢而黜宋先博覽而後躬行獨桐城姚氏鼎恪守程朱孤行不惑宗主義理不薄考據二石風指乃與姚氏相近其論文亦頗法姚氏嘗稱以爲字體故訓者漢儒之小學也曲禮少儀者宋儒之小學也二者皆扶植基本而宋重明倫於道爲尤尊兄弟相與修飭人紀誦述先德給諫輯廬江錢氏藝文略君則義清芬世守錄皆表一門之懿行以播芳馨而詒典則先是文端公嘗進呈其母畫冊

高宗賜題十詩發還原冊并書清芬世守四字逮文端公致仕還鄉

高宗寄賜冊卷詩篇累數千首君簪輯此錄具載君臣賡和曠古無倫又紀錢氏十餘世翰墨及名公鉅儒題詠上以著祖宗文獻之盛下以勛後人孝友於弗替其敘軼事迹彝訓懇懇乎懼來葉之遺墮有味哉其言之也咸豐庚申辛酉之際粵賊縱橫浙中君展轉播遷最後由江西以達安慶國藩乃獲與相見以飄泊兵間偷得骨肉完聚也則爲之破顏一喜語及世事滄桑邱墓成毀不可知則又盡焉以悲其明歲同治二年十一月廿日卒於安慶旅舍將沒猶以先世文字之責未得及

身整理爲恨足以知其志之所存已君配胡氏諸封恭人子二長炳森道光甲辰舉人出爲冢兄學源後前卒次應薄以拔貢官吏部主事軍機處行走加四品卿銜君以子貴

累封朝議大夫女六人孫七人孫女三人君所著又有學職不人考海昌備志甘泉鄉人稿亂後板燬僅有存者古今才智之士率思大有爲於世其立言常雄駿自喜若文章不求雄駿而但求平澹德業不求施於世而但求善於一身一家此殆非智者愉快事也具無所不能之才斂之又斂彌晦焉而彌愉快則其自得於中者必大矣夫自得之學惟君其庶幾哉湘鄉曾國藩表

嘉興錢先生家傳

先生諱泰吉字輔宜自號警石先世本何居浙之海鹽甘泉鄉養於邑錢翁爲吳越武肅王十四世孫承錢氏數傳寢盛至先生曾王父贈太傅文端公益大顯王父汝愨早世以弟汝恭子嗣曰復官大興縣令者先生考也先生早敏學年十八補嘉興縣學生四年食廩餼又十年以數困鄉試援例爲校官及選海甯州學訓導年甫三十七也總角爲詩文卽縱橫馳騁受六經後好聚書簽排甲乙大興公顧而喜舉所藏書數千卷畀之大興公喪奉母沈太恭人扶歸伯父某試之詩文則喜又

家傳

舉所得語溪吳氏藏書數百卷悉予之且謂其從兄衍石曰善誘若弟自是先生日就衍石論學禾人稱曰錢氏二石自少至老兄弟摩切數十年弗少衰衍石者名儀吉以名進士官給事中海內所稱心壺先生者也先生旣高材蹟場屋自樂校官不復就試肆力爲古文詞其要本於性情之眞養之以正不爲偏雜故氣和而體醇其精尤在牋疏考證自先世遺書外遇善本異籍非力所必不能得者悉購藏或假錄焉在海昌三十年及以子應溥封老將去又爲州人攀主書院數年有書數十園大半丹鉛所勘訂於四庫名籍幾徧兩漢書元文

類尤精校者目爲曝書雜記兩卷百餘條自道所得成一家言海內學者及藏書家爭購傳之爲校官嚴身敦正士習海人羣敬愛之大府計吏將以薦擢則力辭謝曰吾祖父皆久縣官實政在民吾故知縣令難爲也後其友馮柳東將辭校官爲縣令先生作書極尼之然於民生利病講權深至大府廉其才嘗以開濬備塘河事屬之先生舉民所不便者爲牧言斷斷往復辭不預開河事旣而牧乃大服於貞孝節義尤亟表揚勸修學宮集餘貲爲海昌備志成舉所得應旌義者節孝千數百人達於大府再三必得請而後已表鄉農朱興仁聘妻

家傳

張殉夫事旌於

朝及爲州張氏作適孫攝重議時人尤服儒者之教先生雖海壖司鐸耳而四方學人莫不聞其所著述期皆足以信今傳後於雜記備志外嘗輯家譜及清芬世守錄海昌學職禾人考詩文曰甘泉鄉人稿者卷二十有四咸豐壬寅海氛起在海昌日讀書不輟庚申粵賊陷杭乃辟海鹽匿跡深鄉常蘇疊陷及嘉興猶守先塋不忍去子應溥自京師亟馳歸乃請渡江行痛哭告墓至澈浦泛海息餘姚遷慈谿賊再圍杭破紹興慈之邨港火光徹宵復倉卒登海船艤上海達九江時辛酉歲暮

矣明年應溥爲湘鄉相國招囊戎幕迎奉養於安慶於是先生老矣自遭寇亂頻年顛涉江烽海濤瀕洞之餘而神明迄未衰居則校讐經史猶日有程湘鄉幕府東南彥會所集先生至而樂之謂鄉中無有也癸亥十一月官軍復蘇州語應溥曰我其可歸守先隴乎時已病甚踰月乃卒年七十三子二長炳森道光甲辰舉人爲先生兄友溲後先卒次卽應溥以己酉選貢朝考用吏部小京官陞主事軍機處行走拯與應溥同直友善以先生年譜郵京師乞傳志弗可辭嗚呼我

朝監於明季學術之蔽國初大師實事求是斬爲有用

家傳

三

比末流蔽又生求能劬學明先緒者蓋亦希矣拯於先生觀所著述歎其懇懇問學而見其大不遺其細抱其殘闕參互考訂而壹歸於本原孝友虛心實力以畢世而不移故樂敘其學行以爲之傳且與天下爲學人者同質論焉馬平王拯撰

警石弟文稿序

予少竊文譽鄉里中歲內寅從弟警石奉大興公喪歸自京師年十有六英特而退謹又喜爲文辭郡人乃交稱之曰錢氏二石云於時世父戶部公老矣傷吾父行之先後薨落而望於後起也見弟則大喜命儀吉曰汝善啟誘若弟俾有成以慰我先人也嗚呼吾與弟不幸皆蚤歲而孤弟之伯兄學源先生德性粹然言動必以禮不意殤沒弟時尙幼而予幸蚤得奉教於先生稍窺爲學大旨後嘗舉以語弟弟益矚就予其後余雖在遠弟日月通書必陳所業而質疑焉至今三十年矣未之有改也弟丁母憂執喪盡哀禮爲文述二親行事樸實悽愴族人見之皆感歎家貧節布糲置書數萬卷以讀雖甚煩困不廢治一書必貫首尾丹黃審勘數十過不厭斯其植性厚學力篤且專余固不能及已司訓海昌冷官日無事益得讀書遂不赴省試道光乙未弟寫所爲歌詩雜箸得卷十二寄予嶺南而曰自知其淺近不足爲文也病恕而存此乞兄有以進之幸甚予方北還行自念旅食奔走舊業蕪不治何以進吾弟雖然不可以已憶學源先生嘗問于弟他日欲居史傳何等耶則對曰文苑兄笑而若有愠曰弟何所見之細也夫人所

以希聖賢而漸自得者非道德其曷歸耶今以予之荒情雖文辭亦且無成顧時念兄言不能不望之吾弟蓋嘗觀文人之雄秦漢以來雖門戶不一及其至也技巧變化皆不能無所止而惟道德之養人爲無窮也弟又多病時愈而閒作與其操筆以役心也不如體道而思默默而有不得已於言者必有異於今之所言者矣弟嘗慕梅子真之爲人誦言曰吾以讀書養性爲務然則文辭之所以不得已者弟自得之韓子曰道德之歸也有日矣文云乎哉道光十六年秋七月兄儀吉在大梁書院撰序

增次稿目序

往歲甲午自次所爲詩文十二卷其明年衍石兄自大梁撰序示勸勵及歲癸卯又改定序文以寄以是益知文之不可以苟作也今距甲午又十五年矣凡所聞善言善行及有關政教之大端思欲論著以示後人苦無學識以達其辭往往援筆而中輟而牽率酬應無用之言幾倍於前每自循覽頗變愧生輒欲焚稿親戚交遊謂尙無大悖於理乃與兒曹分寫爲文十六卷詩六卷自念行將六十學不加進姑次第之以俟增刪道光二十九年歲次己酉六月朔甘泉鄉人錢泰吉自識於海

昌學舍

深廬寤言序

往歲己酉自編所作詩若文二十二卷爲甘泉鄉人稿又次外編十二卷附著其目無用之言不忍棄置取笑同學宜矣今歲正月大病幾殆不自意得生乃取兩年來所作詩文雜著屬女壻陳穎樓外孫沈伯彥各錄一編寄京師付炳森應溥兄弟一留小齋以自省覽詩文不類不次仿陸魯望叢書之體名曰深廬寤言亦魯望所謂夜分不睡則百端興懷攪人思益紛亂也然病失微尙取法老友金岱峰將去臨安縣學時輒臨水弔言之意仍欲就正有道若魯望自言遇事發作輒不舍忍則不敢也咸豐壬子二月五日嘉興錢泰吉識於可讀書齋時年六十有二

甘泉鄉人稿序

世人爲文必曰史漢之文不則曰唐宋大家爲詩必曰漢魏之詩不則曰李杜韓蘇殫其力求其似其用心亦勞矣哉吾謂求文於文其得於文必不深求詩於詩其得於詩必不真詩文言吾所欲言而已言之淺深純駁則視乎其性情學術根於性也厚養於學也醇不得已而發爲言言必有係於人心世道所以不作於古人在是矣錢丈警石與余總角論交其爲人篤脩內行品誼端謹藹乎其可親沈酣古籍講求其是以去其非確乎其不可易官海昌訓導崇聖學端士習校讐古書日

不沈序

十一

有課程三十年如一日蓋素所蘊蓄者然也其少時所爲詩若文嘗出以示余余方治制舉業未能觀其深比余官京師奔走於四方則又簿書叢雜無暇以論古茲余罷官歸錢丈始出其文二十卷詩四卷問序於余余何以言錢丈之文之詩哉田閒野叟足不入五都之肆一旦游寶藏而曰我已盡識其名與其所產之地並其可以寶貴之故有是理哉雖然錢丈原本性情之厚學術之醇發爲文章子既知之矣則卽謂已能名其寶知其所產之地所以可寶貴之故無不可也錢丈曾王父香樹太傅族父穉石少宗伯皆以文學顯名詩文集爲

不沈序

十二

天下圭臬從兄衍石給諫繼之冥心孤造卓然自名其家太傅與宗伯論文之札並給諫與錢丈往來譚藝之書大指必歸於敦孝友明義理有係乎人心世道而於古人流傳之作必深辨學術之醇醜性情之厚薄而不沾沾於格調辭句之閒於戲此益以知錢丈之文之詩異乎世之爲詩文者矣咸豐甲寅夏孟蓮溪沈濂謹識

甘泉鄉人稿目

卷一

與李曉村知州論濬河取土書 附跋

與馮柳東勸辭薦舉書

與宜興吳仲倫論文書 附來書

再與吳仲倫論文書

與金岱峰論祀孺悲書

卷二

與衍石兄述家世文字書 二十六通 附跋

卷三

適孫攝重議

劉向楊雄優劣論

書蕭相國世家後

書金淵集後

書黃陶庵先生鄉試卷後

書于襄勤年譜後

書何烈女傳後

書荅莊沈君遺像後

書歙縣王君學愚傳後

書奉賢張氏義田碑記後

書西安鄭明經 文壇上麓 八詠詩後

讀蘇頌演古今家誡序書後

書計母沈太安人墓表後

書楊節母鄭太孺人事實冊後

卷四

跋仿宋本朱子周易本義

跋鄒氏尚書蔡傳音釋 跋羣經音辨

跋古微書

跋類篇 二則

跋震澤王氏刻史記 三則

跋西漢會要 二則

跋東漢會要

跋曹棟亭刻隸續 二則

跋元翠巖精舍所刊蘇氏文類

跋元西湖書院所刊蘇氏文類

跋校本元文類 四則

跋明晉藩刻元文類

跋南宋文鑑序目

跋嘉靖海甯縣志

跋海昌都庄圖說

跋甬上范氏集古印譜

跋橫浦集

卷五

校史記雜識

校集韻跋 二則 附二跋 又附計跋

校佩觿字鑑跋

校陳后山集跋 二則 附錄三則

校助字辨略 三則

跋章氏 宗原 隋書經籍志考證

跋舊刻鮑氏注戰國策

跋舊刻方輿紀要州域形勢說

跋惺齋雜著

儒林傳擬稿跋

文苑傳跋

卷六

跋書經集傳校本

附錄異文

跋評點書經

跋影寫元至正重刊蔡傳凡例

跋李金蘭所藏洪範正論

并錄李跋

跋衛氏禮記集說

跋重刻撫州公使庫本禮記

跋仿岳本周禮

跋秦藩本史記

跋史記志疑

跋班馬字類

跋舊本漢書

跋通志二十略

跋梅會里李氏評校日知錄示炳森

跋文獻通考詳節示應博

跋稽古錄校本

跋呂氏童蒙訓

跋離騷草木疏辨證

跋棠陰比事

跋蘇學士集校本

跋宛陵集

跋司馬文正公集

跋劔南詩集

跋宋文憲全集

跋歸震川集評本

跋徐俟齋居易堂集

二則

跋瀛奎律髓評本

跋古文時類纂

跋強恕齋詩稿

跋彭秋士集

跋歸安沈觀察

榮昌成志堂集

卷七

曝書雜記上

五十七則

卷八

曝書雜記中

五十六則

附蔣跋管跋

卷九

曝書雜記下

四十四則

卷十

跋唐太宗草書屏風石刻

三則

跋李侍郎

宗瀚重刻唐石廟堂碑殘字

跋舊拓千福寺多寶塔碑文

跋多寶塔碑題額

跋舊拓圭峰定慧禪師碑

跋隋仁壽元年岐州舍利塔下銘

跋唐化度寺海禪師墳記

跋唐顯慶四年桂州善興寺舍利石函記

跋唐韓寶才墓誌

跋周處士程先生墓誌

跋唐尚舍直長薛君夫人裴氏墓誌

跋唐韋端墓誌

跋唐龍花寺尼韋契義墓誌

跋唐宣州司功參軍魏遼墓誌

跋宋政和二年杭州鹽官縣社稷壇碑

跋紹興五年鹽官縣脩學記

跋開禧元年鹽官縣脩學記

跋宣和二年鹽官縣壁記

跋元加封孔子碑

跋元至正十九年海鹽州安民碑

跋元至正海鹽州題名碑

跋元至正二十一年海鹽州脩城碑二則

跋安國寺經幢 跋惠力寺經幢

跋宋紹興十一年賜崇祐廟額勅

跋安國寺宋理宗御書碑及碑陰

跋雙仁祠重刻米襄陽魯公仙跡記

跋元太平廣福寺碑

跋蘇文忠公鹽官絕句殘石

跋唐悟空禪師塔銘殘石

跋嘉定乙亥鹽官縣誌記二則

卷十一

跋永甯二年報文

跋雪庵八大人覺經石刻

跋渤海祿貞未斷本二體千文

跋快雪堂帖 附錄彭文勤公二跋

跋秀餐軒帖

跋書譜

跋英光堂帖六則

跋頴上黃庭蘭亭玉版十三行合裝冊七則

跋明時翻刻聖教序 跋七里松張氏所藏楷海

跋趙文敬詩卷 跋新拓大觀帖

跋新拓孫過庭草書楊雄蜀都賦

跋西園雅集記朱典六摹刻本

跋楊孝直所集蘭亭

跋六舟縮本悟空禪師碑銘

跋宋版華嚴經 跋元刻蓮華經

自臨法帖及雜書跋十七則

卷十二

書世系譜後

清芬世守錄跋

六世祖妣鄭太夫人補末傳跋

五世祖鶴庵府君墨蹟跋

五世祖鶴庵府君贈宛平相公詩畫冊跋

高祖廉江府君遺詩跋 直廬問寢圖跋 附圖後記

文端公自錄詩卷跋

文端公錄耕織圖詩跋 三則

文端公永慶大橋碑記跋

文端公募脩永慶橋南關帝廟引跋

文端公臨趙書衛生歌跋

文端公所藏玉枕蘭亭拓本跋 二則

本生祖考安慶府君錄朱子訓學齋規黃陶庵先生

自監錄跋 二則

從祖肖巖先生灌園詩草書後

先府君詩文手稿跋

先府君芝城八景詩書後

先府君隨筆書後

先府君與祝蓉渚丈札稿書後

舅氏沈味蔗先生錄先宜人詩書後

族父毅齋先生閩山連騎圖跋書後 元跋錄前

叔父贈侍講公陝甘鄉試閱卷簿跋

清安老人錄呻吟語跋 翼堂兄詩集跋 附記二則

自浙之滇山川行程圖跋

跋几山文學 善揚 畫蘭 跋冷齋勘書圖

卷十三

查近川先生覺庵存稿跋

讀祝虛齋先生嘉議堂集雜識 六則

讀許同生先生遺稿雜識 三則

跋陽明山人和董蘿石詩卷

跋張方洲朱西村兩先生詩畫卷

跋黃葉村莊種茶詩卷 潘太史滿碧亭圖跋

葛素如廣文 星垣 刻曲授經圖跋

陶棣生鮭尹 宗輝 靜觀圖跋

爲金岱峰跋桂末谷隸書屏幅

秀水周氏竺橋丙舍圖跋

陸養香曝書圖跋

雍氏補荆圖跋

讀徵賢堂集雜識

海昌重脩學官存信錄跋

節孝錄跋

卷十四

記沈氏 附選 南宋文鑑目

記兩漢書校本

記第六世族祖蓬州公鄉試卷

石門縣重建傳貽書院記 代盧翰坡大令

海甯州城河記 代王百期知州

卷十五

海甯州知州陽湖惲侯政績記

重建觀音橋記

記周氏孝子

記曹文學葬兄事

記沈林

記介休獄

半弓園記

遜齋記

待雪樓記

篝燈教讀圖記

紡燈課讀圖記

文端公遺印記

冷齋勸書圖記

海昌學宮所藏元代祭器圖記

二則

茗山訪碑記

彭墩陸氏義門記

記瑞安項氏二孺人事

笠湖詩老生壙記

卷十六

勞枕叔訂補續漢書藝文志序

新刻拜經樓題跋記序 海昌學職禾人考前後序

管文學庭芬淳溪舊聞序

祝南筠德興延緣草堂詩存序

朱吉雨聲希詞稿序 屠筱園教授湘之遺稿序

項叔明詩序忽逢林唱和詩小序

沈運溪時文序彭墩陸氏譜序

桐鄉沈君基雪山誌感圖序

送前東海防同知呂公榮歸陽湖序

張荔園教授駁九十序 餘姚蔣芳塍壽序

錢菊叢清遠七十序 陸芝塘用霖八十序

舒自庵觀察化民七十序

世母金恭人七十序 贈吳少尹筆堂序

贈葛文學謙序贈徐韻生孝廉維城序

贈周文學光熊序 贈周次軒士清序

卷十七

藏書述 述訓二則

先母沈宜人遺硯銘

先兄學源先生遺硯銘并序

特齋先生遺硯為蔣寅昉銘

濟南行篋硯銘 寫詩經硯銘

嘉慶庚辰脩家譜硯銘 宋坡湖漁者硯銘并序

校三史硯銘 海昌志館硯銘

深廬肆書硯銘并序蝙蝠硯銘

宋歙州水絃坑金文硯銘并序

竹節端硯銘付應溥 渤海師相硯銘

竹筆筒銘 印匣銘

印匣銘付炳森 印匣銘付應溥

漢永平元年甄硯銘為李竹君承遠作

曹杏庭 錢堂 硯銘 管芷湘 庭芬 斷硯銘

朱砂端硯銘爲沈問齋 弟 恒壽

元豐己未澄泥硯銘 并序

太公像贊 并序

李介石先生不可一日無此君圖贊 并序

題海昌陳節母小像

海昌脩志開館條約 乙巳正月

海昌備志發凡 丁未四月

卷十八

先祖考妣行述 先考蒼裳府君行述

先妣沈宜人行述 文端公遺事 十九則

先府君遺事 五則

卷十九

張北湖先生事狀 孝廉方正李先生行狀

湯溪縣學教諭沈君行狀

胡謫人家傳 陸繹亭家傳

秀水二張孝子傳 蔣節母徐安人傳

朱節婦張氏傳 張節婦王氏傳

郭烈婦傳 朱節母傳

楊丐婦傳

卷二十

順天文安縣主簿程君暨配錢孺人權厝志

封奉直大夫長沙李翁墓誌銘

四川榮昌縣知縣龍府君墓誌銘

特齋先生墓表

四川彭山縣知縣錢君墓表

桐城吳君夫人權厝誌

長沙李母黃宜人墓誌銘

烈女張珊姑墓表 附錄碑陰

祭姑夫刪鐵崖先生文 祭蔣母錢安人文

卷二十一

讀舊書室古今體詩

卷二十二

可讀書齋古今體詩上

卷二十三

可讀書齋古今體詩中

卷二十四

可讀書齋古今體詩下

甘泉鄉人稿卷一

嘉興錢泰吉輔宜

與李曉村知州論濬河取土書

泰吉竊祿於此九年矣謹守先人之訓不敢妄言動以自取戾職處閒冷不當有所建白未嘗以事干大府也客冬觀察金公假之顏色以事下問謹據所聞以對亦未嘗求知於觀察也觀察鑒其誠遂以公舉董事開濬備塘河見屬自揣庸下不克勝任訪於土人議列條款大指疏通河道以洩海塘漫溢之水因仍地勢以免閘閘滋擾之弊蓋保民必先安民安民必使樂業也及執

甘泉鄉人稿卷一

十一

事下車首以此事相詢亦既不鄙其言許參末議矣今聞大府俯念民依欲取土填補塘足水坑使金堤鞏固永無漂盪之患甚盛意也嘉松諸郡生靈皆在大府懷保中豈獨海昌一州之民歌頌而已哉又豈得以州治一隅之民小有窒礙而妄議石畫哉然伏處下風竊聞輿論有不得不爲執事告者側聞下尺一之符稽魚鱗之冊鐫廣河身盡反侵地夫沿河居民因河道填闕貪愛小利樹藝其地幾同世業今將固其隄防俾安百室而執姑息之愛動以勿擾爲言此迂闊之論誠不足與圖實政然頻年歉收民處重困之後婦子纖悉之利私

甘泉鄉人稿卷一

十一

之日久得無有稍宜紓緩者乎古人謂寬一分則百姓受一分之福者此類是也然此猶得曰侵占官地律有明禁貸其既往之咎與謀遠大之計民亦俛首無辭耳若濬河之土不足填坑將別買民田以爲補益則其事有未易一二言者往者取沿塘之土興建柴埽此數世之利也而下流竊議何可盡聞茲事重大非鄙儒所敢言今執事議以浮面膏腴還之業戶而取其下瘠壤此執事重農意也然稻田之土本欲推陳出新縱畱面土無補於民而近塘之地半屬桑田辛苦樹藝十年乃成旦晚護視無異金玉欲取其壤不能不拔起桑本拔而後栽執必不活是執事雖有愛民之心民未必實蒙其利執事又謂取土限以尺寸不許過深使其地仍可耕種用意良美矣但恐從事奮掘者未必人人能實體愛民之心儻所取過限小民豈敢力爭況按畝而計取土既屬有限給價不能過制糧賦不能蠲除是民坐失數年之利而有數年之累也若此事既行執事雖憐而撫之已無及矣此泰吉所以急欲爲斯民乞憐也夫大工既不容已備塘河之土又不足填補水坑然則將奈之何鄙意不若於備塘河旁近相度淤塞河道有宜疏濬者籌畫施功卽離塘稍遠以買土之價爲運土之資彼